

REGIONAL NEWS UNIT
ALL INDIA RADIO, AGARTALA
Date:30-07-2024
Time: 07.35-07.40 AM Hrs
BENGALI MORNING BULLETIN

Gram Panchayat Election :

আসন্ন ত্রিস্তর পঞ্চায়েত নির্বাচনের ব্যালট পেপার বন্টনের কাজ গতকাল থেকে শুরু হয়েছে। রাজ্য নির্বাচন কমিশনার শরদিন্দু চৌধুরী আকাশবাণীকে জানান গতকাল দু'টি ব্লকে ব্যালট পেপার সরবরাহ করা হয়। আজ আরও চারটি ব্লকে ব্যালট পেপার সরবরাহ করা হবে। ব্যালট পেপার ছাপানোর কাজ এখনো চলছে বলে তিনি জানান।

Election Force :

আসন্ন ত্রিস্তর পঞ্চায়েত নির্বাচন সুষ্ঠুভাবে সম্পন্ন করার লক্ষ্যে কেন্দ্রীয় নিরাপত্তা কর্মীরা রাজ্যে এসে পৌঁছেছে। মোট ৩০ কোম্পানি কেন্দ্রীয় নিরাপত্তা বাহিনীকে গত রবিবার এবং গতকাল আট জেলায় মোতায়েন করা হয়েছে বলে জানান এআইজি আইন-শৃঙ্খলা অনন্ত দাস।

CM- Jishnu Devvarma Meet :

তেলেঙ্গানার রাজ্যপাল হিসেবে নিযুক্তি পাওয়ায় জিষ্ণু দেববর্মা কে গতকাল তাঁর বাসভবনে গিয়ে শুভেচ্ছা জানিয়েছেন মুখ্যমন্ত্রী অধ্যাপক ডাঃ মানিক সাহা। মুখ্যমন্ত্রী বলেন দীর্ঘ পাঁচ বছর ত্রিপুরার উপমুখ্যমন্ত্রী হিসেবে দায়িত্ব পালন করেছেন জিষ্ণু দেববর্মা। পাশাপাশি রাজ্য বিজেপি দলের প্রথম সারির নেতৃত্বদের মধ্যে তিনি একজন। শ্রী দেববর্মা কে তেলেঙ্গানার রাজ্যপাল হিসেবে নিযুক্তি দেওয়ায় রাষ্ট্রপতি ও প্রধানমন্ত্রীকে ধন্যবাদ জানিয়েছেন মুখ্যমন্ত্রী। তাছাড়া, রাজ্যপাল হিসেবে শ্রী দেববর্মার সাফল্য কামনা করেন মুখ্যমন্ত্রী।

তেলেঙ্গানার রাজ্যপাল হিসেবে নিযুক্ত পাওয়ায় গতকাল জিষ্ণু দেববর্মার বাসভবনে গিয়ে রাজ্যের পরিবহন মন্ত্রী সুশান্ত চৌধুরী শুভেচ্ছা ও অভিনন্দন জানান। তিনি শ্রী দেববর্মার দীর্ঘায়ু এবং সুস্বাস্থ্য কামনা করেন।

Foreign Affairs Ministry :

রাজ্য স্বরাষ্ট্র দপ্তরের উদ্যোগে বিদেশ মন্ত্রকের সহযোগিতায় গতকাল রাজ্যে প্রথমবার 'বিদেশ সম্পর্ক অনুষ্ঠান' শীর্ষক এক সচেতনতামূলক আলোচনার আয়োজন করা হয়। আগরতলায় রাজ্য অতিথিশালায় এই অনুষ্ঠানের আয়োজন করা হয়। আলোচনায় বিদেশ মন্ত্রকের যুগ্ম সচিব অঙ্কন ব্যানার্জি বলেন, দেশের প্রত্যেকটি রাজ্যের প্রশাসনের সঙ্গে বিদেশ মন্ত্রককে একই মঞ্চে নিয়ে আসার উদ্দেশ্যে ২০১৭ সাল থেকে এই অনুষ্ঠানের আয়োজন করা হচ্ছে। বিদেশে বসবাসরত, কর্মরত এবং শিক্ষার জন্য বিদেশে যাওয়া ভারতীয়দের প্রয়োজনীয় সুবিধা প্রদান, কনস্যুলার পরিষেবা ও অনুপ্রবেশ রুখতে রাজ্য সরকারকে সহায়তা করতে এই সচেতনতামূলক অনুষ্ঠানের আয়োজন করা হয়। তিনি বলেন, বর্তমানে বিদেশে প্রায় ৩ কোটি ৫০ লক্ষ ভারতীয় রয়েছেন। অনুষ্ঠানে রিজিওন্যাল পাসপোর্ট অফিসার আশিষ মিদ্দা বলেন, আরপিও কলকাতার আওতায় পশ্চিমবঙ্গ, ত্রিপুরা, সিকিম, আন্দামান ও নিকোবর দ্বীপপুঞ্জ রয়েছে।

আগরতলায় পাসপোর্ট সেবা কেন্দ্র এবং ধর্মনগরে পোস্ট অফিস পাসপোর্ট সেবাকেন্দ্র রয়েছে। প্রতিদিন আগরতলায় ২৭০ জন এবং ধর্মনগরে ৪০ জন পাসপোর্টের জন্য আবেদনকারীর সাক্ষাৎ নেওয়া হয়।

Urban Development Smart City :

সরকার বলেছে, দেশে Smart City Project-এর ৮ হাজার ১৬ টি প্রজেক্ট এর মধ্যে ৭ হাজার ২১৮ প্রজেক্ট সম্পূর্ণ হয়েছে।

কেন্দ্রীয় নগরোন্নয়ন ও গৃহায়ন প্রতিমন্ত্রী তোকহান সাহু রাজ্যসভায় এক লিখিত প্রশ্নের উত্তরে এই তথ্য দেন। তিনি জানান, সম্পূর্ণ করা Smart City প্রজেক্টগুলোতে খরচ হয়েছে ৪৫ হাজার কোটি টাকা।

Mansukh Mandabvya :

কেন্দ্রীয় শ্রম ও কর্মসংস্থান মন্ত্রী ডাঃ মনসুখ মান্ডভিয়া গতকাল বলেছেন, দেশে চাকরির অভাব নেই এবং বর্তমান সরকারের নীতিগত হস্তক্ষেপের কারণে দেশে বেকারত্বের হার ৩.২ শতাংশে নেমে এসেছে। লোকসভায় প্রশ্নোত্তর পর্বে এক অতিরিক্ত প্রশ্নের উত্তরে তিনি একথা বলেন। মন্ত্রী ডাঃ মান্ডভিয়া আশা প্রকাশ করেন যে আগামী বছরগুলিতে বেকারত্বের হার ৩ শতাংশের নীচে নেমে আসবে। এই বছরের কেন্দ্রীয় বাজেটের প্রশংসা করে ডাঃ মান্ডভিয়া বলেন, প্রধানমন্ত্রীর প্যাকেজ পাঁচ বছরের মধ্যে চার কোটিরও বেশি যুবককে কর্মসংস্থান ও দক্ষতার সুযোগ দেবে।

**Swachhata Hi Seva Campaign organized by KVK
South Tripura at Hrishyamukh market Tripura :**

গতকাল দক্ষিণ জেলা কৃষিবিজ্ঞান কেন্দ্রের উদ্যোগে জেলার ঝাষ্যমুখ বাজারে 'এক কদম স্বচ্ছতা কি ওর - শ্লোগানকে সামনে রেখে সাফাই অভিযান সংগঠিত হয়। সাফাই অভিযানে ঝাষ্যমুখ দ্বাদশ স্কুলের ছাত্ররাও অংশগ্রহণ করে । জেলা কৃষিবিজ্ঞান কেন্দ্রের ভারপ্রাপ্ত আধিকারিক বি.কে. নন্দ এখবর জানান ।

Paris Olympics update :

প্যারিস অলিম্পিকে ভারতের ব্যাডমিন্টন তারকা খেলোয়াড় লক্ষ্য সেন মেন্'স সিঙ্গেল বিভাগের গ্রুপ এল ম্যাচে প্রথম জয় পেলেন। গতকাল ওই ম্যাচে তিনি বেলজিয়ামের জুলিয়েন কেরাণ্ডীকে পরাজিত করে, গ্রুপ ম্যাচের ফাইনালে উঠেছেন। গ্রুপ ম্যাচের ফাইনালে তিনি মোকাবিলা করবেন এশিয়ান চ্যাম্পিয়ন জোনাথন কৃষ্টির বিরুদ্ধে, আগামীকাল ওই ম্যাচ খেলা হবে।

গত সন্ধ্যায় টেন এম এয়ার রাইফেল ইভেন্টে অর্জুন বাবুতা অল্পের জন্য পদক লাভ করতে পারেননি। পুরুষ বিভাগের ওই ম্যাচে তিনি চার নম্বর স্থান লাভ করেন।

মনু বাকর ও সরবজোত সিংয়ের জুটি, টেন এম পিস্তল মিক্সড ইভেন্টে ব্রোঞ্জ পদকের লড়াইয়ে ম্যাচ খেলার জন্য কোয়ালিফাই করেছেন। গতকাল রাতের হকি ম্যাচে, দীর্ঘক্ষণ পিছিয়ে থাকার পর হরমনপ্রীত এর করা পেনাল্টি গোল এর সুবাদে ভারত আর্জেন্টিনার সঙ্গে ড্র করেছে।

অন্যদিকে, ব্যাডমিন্টনে, রফিক রেড্ডি ও চিরাগ শেট্রি র জুটির মিক্সড বিভাগের কোয়ার্টার ফাইনালে যাওয়ার রাস্তা পরিষ্কার হয়েছে। আজ তারা কোয়ার্টার ফাইনালের আগের শেষ গ্রুপ ম্যাচ খেলবে।

Second division football :

টিএফএ আয়োজিত দ্বিতীয় ডিভিশন ফুটবল লিগে গতকাল ত্রিপুরা পুলিশ ৩-১ গোলে এনএসআরসিসি-কে পরাজিত করেছে। উমাকান্ত মিনি স্টেডিয়ামে আয়োজিত খেলায় ত্রিপুরা পুলিশের হয়ে রুয়াতা ডারলং, জুয়েল দেববর্মা এবং জুয়েল দেববর্মা জুনিয়র একটি করে গোল করেন। অন্যদিকে এনএসআরসিসি-র পক্ষে একমাত্র গোলটি করেন সজল দাস। ম্যাচে এনএসআরসিসি দলের ফুটবলার সনজয়লাল ডারলং -কে হলুদ কার্ড দেখান রেফারি।

Weather :

আজ দুপুর পর্যন্ত আবহাওয়ার পূর্বাভাসে জানানো হয়, আকাশ সাধারণত: মেঘলা থাকবে। বজ্র-বিদ্যুৎ সহ রাজ্যের সব জেলায় বিক্ষিপ্তভাবে বৃষ্টি হতে পারে । আগরতলায় আজ ভোরে সর্বনিম্ন ২৭ ডিগ্রি সেলসিয়াস । দিনের সর্বোচ্চ তাপমাত্রা থাকবে ৩২ ডিগ্রির কাছাকাছি ।
